



VISCHNAUNCA DA SCHLUEIN

Uorden forestal

Approbaus entras la radunonza communal dils 11 da zercladur 2014

Entrada en vigur: 11-06-2014

Cuntegn uorden forestal

		Pagina
	Determinaziuns generalas	4
art. 1	Intent	4
2	Principi	4
	Administraziun	4
3	Organisaziun	4
4	Administraziun e survegionza	4
5	Suprastonza communal	4
6	Gerau d'ual	5
7	Selvicultur da revier	5
	Cultivaziun digl uaul	5
8	Finamira	5
9	Program annual e preventiv	5
10	Segirtad da lavur	6
11	Protecziun dalla lenna	6
12	Infrastructura	6
13	Diever dallas vias d'ual	6
	Products forestals e prestaziuns forestalas	6
14	Commercialisaziun	6
15	Vendita da lenna	6
16	Consum intern	7
17	Lenna per agen diever	7
18	Lenna manecla	7
19	Pigneuls, dascha per cuvierer	7
20	Prestaziuns d'economia collectiva	7

	Protecziuns encunter donns	7
21	Pasculaziun	7
22	Fiug	8
23	Campar	8
24	Terminaziun	8
	Determinaziuns penals	8
25	Cumpetenzza	8
26	Multas	8
27	Scadenza, mieds legals	8
28	Obligaziun da denunziar	8
	Determinaziuns finalas	9
29	Entrada en vigur	9

UORDEN FORESTAL

Sin fundament d'art. 56 dalla lescha cantunala d'uaul (LCU) ed art. 3 dalla constitu-
ziun communal da Schluain, relai la vischnaunca da Schluain il suandont uorden:

Determinaziuns generalas

art. 1

Intent Igl uorden forestal communal regla l'organisaziun, las
incumbensas e las obligaziuns dil survetsch forestal dalla
vischnaunca.

art. 2

Principi Ils uauls da vischnaunca duein saver ademplir lur funcziuns da
protecziun, d'utilisaziun e pil beinstar a moda permanenta.

Administraziun

art. 3

Organisaziun La vischnaunca meina in agen survetsch forestal ni ella sa
s'unir per ademplir sias incumbensas cun autras vischnauncas
ad in consorzi communabel da revier forestal.

art. 4

Administraziun e La'administraziun e la survigilonza dils uauls communal ei
survigilonza caussa dalla suprastonza communal. In commember da
suprastonza ei gerau d'uaul.

art. 5

Suprastonza ¹ La suprastonza communal ei responsabla pil manteniment e
communal per la cultivaziun cunvegna dils uauls communal. Ella

- a) fixescha las directivas dalla politica forestala dalla
vischnaunca;
- b) approbescha il program da lavur annual incl. program da
tagls ed il preventiv;
- c) survigilescha la gestiun dil menaschi;
- d) surdat lavurs pli grondas;
- e) punescha surpassaments digl uorden forestal communal.

² Sch'ei vegn tractau en las sedutas dalla suprastanza communal fatgs digl uaul, sa il selvicultur da revier vegnir envidaus cun vusch consultativa.

art. 6

Gerau d'uaul

Il gerau d'uaul

- a) promova l'economia forestala e la commercialisaziun dalla lenna en vischnaunca;
- b) representa ils interess forestals ella suprastanza communal ed enviers la populaziun;
- c) pren part allas uatgas forestalas;
- d) remplazza il selvicultur absent pertuccont il menaschi;
- e) fa propostas per surdar lavurs forestalas pli grondas;
- f) survigilescha la vendita da lenna;
- g) suttascriva ils contracts da vendita da lenna e da lavurs forestalas.

art. 7

Selvicultur da revier

¹ Il selvicultur da revier vegn engaschus e salarisaus tenor las disposiziuns executivas decisivas dil cantun.

² El ha l'obligaziun d'administrar ils uauls communal tenor la legislaziun forestala surordinada (LCU) e tenor la cunvegna da prestaziun fixada dalla vischnaunca cul revier forestal.

³ Las obligaziuns e las cumpetenzas vegnan fixadas en in carnet da duers.

Cultivaziun digl uaul

art. 8

Finamira

Ils uauls communal ein da cultivar tenor las disposiziuns fixadas ella planisaziun forestala.

art. 9

Program annual e preventiv

Las lavurs sedrezzan tenor il program annual e tenor il preventiv approbau.

art. 10

Segirtad da lavur Lavurs d'uaul astgan vegnir exequidas sulettamein da luvrers scolai corrispundentamein e sulettamein observond las disposiziuns davart la segirtad da lavur digl ISAA (SUVA). Lavurs a tiarzs astgan vegnir surdadas ultra da quei sulettamein observond l'obligaziun necessaria d'agir cun quitau.

art. 11

Protecziun dalla lenna Leu, nua ch'igl ei necessari per motivs fitosanitars e per segirar la qualitat, sto la lenna vegnir allontanada immediat ord igl uaul ni vegnir tractada a moda cumpetenta.

art. 12

Infrastructura Per cultivar ils uauls communalis eis ei da crear ina infrastructura cunvegnenta e quella ei da mantener en in bien stadi.

art. 13

Diever dallas vias d'uaul ¹ Il diever dallas vias d'uaul ei lubius sulettamein per intents forestals ed agricols sco era per las excepziuns lubidas tenor la lescha d'uaul federala e cantunala.

² Ulteriuras excepziuns regla la vischnaunca el reglament tenor il model dil departement da giustia, polizia e sanidad (DGPS).

Products forestals e prestaziuns forestalas

art. 14

Commercialisaziun La vischnaunca commercialisescha ils products forestals e las prestaziuns forestalas il meglier pusseivel. Ella sustegn associaziuns cun las medemas finamiras.

art. 15

Vendita da lenna La vendita da lenna vegn fatga dil selvicultur da revier ensemen cul gerau d'uaul tenor ils principis dallas "usanzas commercialas dalla Svizra".

art. 16

Consum intern La lenna da diever e da brisch che vegn duvrada per baghetgs communals vegn messa a quen pil prezi da fiera.

art. 17

Lenna per agen
diever ¹ Scadin habitont ha il dretg da retrer lenna da diever pil prezi da fiera. Mintga agen tenercasa sa retrer lenna da brisch per in prezi fixaus dalla suprastanza communal.

² Sch'il tagl annual pretenda, sa la quantidad vegnir reducida. La surdada succeda en fuorma da lenna liunga sper via d'uaul carrabla. Lenna ch'ei buca vegnida menada naven enteifer in onn croda senza restituziun alla vischnaunca.

art. 18

Lenna manecla Sco lenna manecla valan lenna secca sidretg e lenna per tiara cun meins che 16 cm diameter en l'altezia dil pèz, sco era roma, scorsas, restonzas da tagl e tocca libra. Las restonzas da tagl vegnan mintgamai dadas libras cun la publicaziun el fegl official.

art. 19

Pigneuls, dascha
per cuvierer Ils pigneuls e dascha per cuvierer astgan vegnir tagliai suletta-
mein cun lubientscha dil selvicultur da revier. El mira che quei vegni pinau e consignau en uorden e cunvegnentamein.

art. 20

Prestaziuns
d'economia
collectiva Ils cuosts per las prestaziuns d'economia collectiva ein dad erurir e da metter ton sco pusseivel a quen als gudiders. Tut ils recavs per las prestaziuns d'economia collectiva e per utilisaziuns secundaras duein vegnir screts dabien al quen forestal.

Protecziuns encunter donns

art. 21

Pasculaziun L'utilisaziun dils uauls sut pasculaziun ei da reglar en cunvegnientscha cun il survetsch forestal en reglaments da pasculaziun ni en projects per separar igl uaul e la pastira.

art. 22

Fiug Igl ei lubiu da far fiug egl uaul ni en vischinonza da quel sulet-tamein sch'ei dat negin prighel d'incendi special. Pigl uaul da Gonda e gl'Uaul dalla Val da Schluein (uauls da schurmetg) vala in scamond da far fiug ordeifer las fueinas ufficialas, priu ora ella grava dil Parlet (ustonza gronda).

art. 23

Campar Igl ei scumandau da campar egl uaul.

art. 24

Terminaziun Ils possessurs d'uaul ein responsabels pil manteniment dils tiarms.

Determinaziuns penelas

art. 25

Cumpetenzza La suprastonza communal ei cumpetenta per tuts surpassaments encunter igl uorden forestal, aschilunsch che quels ein buca suttamess alla cumpetenzza d'ina outra istanza.

art. 26

Multas Ils surpassaments dil present uorden forestal vegnan puni cun multas da frs. 100.00 entochen frs. 5'000.00. Vitier vegn l'obligaziun da surprendre l'indemnisaziun cumpleina dil donn.

art. 27

Scadenza, mieds
legals ¹ Las multas e l'indemnisaziun dil donn ein da pagar alla cassa communal enteifer in meins suenter la consignaziun dalla disposiziun dalla multa.

² Encunter las multas decretadas dalla suprastonza communal ha il puniu il dretg da recuorer alla dertgira administrativa.

art. 28

Obligaziun da
denunziar Las persunas ufficialas ein obligadas da denunziar ils surpassaments che vegnan ad ureglia ad els.

Determinaziuns finalas

art. 29

Entrada en vigur

¹ Il present uorden forestal incl. l'aschunta 1 ein vegni approvai dalla radunonza communal dils 11 da zercladur 2014 ed entran en vigur cun l'approbaziun.

² Tuttas prescripziuns dalla vischnaunca da Schluein che corrispundan buc allas disposiziuns da questa ordinaziun vegnan cheutras annulladas.

Il president communal:

Il scarvon communal:

Bruno Wellinger

Augustin Beeli

Approbau digl Uffeci d'uaul e prighels dalla natira dil cantun Grischun tenor conclus dils 31-07-2014.

Uffeci d'uaul e prighels dalla natira
dil cantun Grischun

Il selvicultur cantunal:

Reto Hefti

Aschunta 1

Uaul privat

art. 1

Damondas da
pinar lenna

Damondas da pinar lenna egl uaul privat ein d'inoltrar al selvicultur da revier. Per lenna da commerci ni pigl agen diever che survaga 3 m³ per hectara ad onn drova ei ina lubientscha dil survetsch forestal cantunal.

art. 2

Lenna derscha

Lenna derscha ei da pinar immediat. La limita digl art. 1 vala buca, sch'il possessur desista da subvenziuns pil pinar.

art. 3

Indemnisaziun

La vischnaunca sa pretender ina contribuziun commensurada per la lavur dil selvicultur da revier en uauls privats.

art. 4

Access

Igl access ad uauls privats ei lubius a mingin tenor art. 699 CC.